

Bosna i Hercegovina
Federacija Bosne i Hercegovine
Srednjobosanski Kanton/Kanton Središnja Bosna

KANTONALNI SUD U NOVOM TRAVNIKU

Broj: 128 0 K 039727 25 Kžk

Novi Travnik: 27.6.2025. godine

U IME FEDERACIJE BOSNE I HERCEGOVINE!

Kantonalni sud u Novom Travniku u vijeću sastavljenom od sudaca: Lazarela Porić, predsjednica vijeća, Vesna Vujica i Darmin Avdić, članovi vijeća, uz sudjelovanje zapisničara Lidiye Kolak, u kaznenom predmetu protiv optuženog E. K. zbog kaznenog djela Posjedovanje i omogućavanje uživanja opojnih droga iz člana 239. stav 3. Kaznenog zakona Federacije Bosne i Hercegovine optuženog po optužnici Kantonalnog tužiteljstva Travnik broj T06 0 KT 0032661 23 od 14.04.2023. godine, nakon održanog ročišta za razmatranje izjave o priznanju krivnje i pretresa za izricanje kazneno pravne sankcije dana 27.6.2025. godine u prisustvu optuženog E. K, branitelja Ivana Matišić, advokata iz Travnika i kantonalne tužiteljice Kantonalnog tužiteljstva iz Travnika Edine Mešić, po obavljenom vijećanju i glasanju donio je i u odsustvu stranaka i branitelja istog dana i javno objavio slijedeću:

PRESUDU

I

Optuženi

E. K., zvan E., sin N. i majke J. rođene K., rođen ... godine u B., nastanjen u ulici ... općina D. V., Bošnjak, državljanin BiH, JMB: ..., pismen sa završenom SSS, po zanimanju konobar, zaposlen u ..., oženjen, otac jednog djeteta, srednjeg imovnog stanja, osuđivan:

KRIV JE

što je:

Dana 15.06.2022.godine, u ulici Ismeta Šehalića broj 8/12, općina Jajce, suprotno odredbama člana 4. stav 1., 2., 3. i 5. u vezi sa članom 19. i 20. Zakona o sprečavanju i suzbijanju zloupotrebe opojnih droga (Službeni glasnik BiH broj 8/06, 103/08 i 51/11), iako je bio svjestan da je posjedovanje opojne droge zakonom zabranjeno, to je i htio, pa je neovlašteno posjedovao jedan papirni i pvc paketić sa sadržajem nepoznate bijele materije, neto mase 0,067 grama i 0,070 grama, za koju materiju je vještačenjem utvrđeno da sadrži psihotropnu komponentu amfetamin poznatija kao opojna droga „speed“, koja droga je pod rednim brojem 1. Liste psihotropnih tvari iz tabele II

„Tvari i biljke pod strogom kontrolom“ proglašena takvom, a koja opojna droga je pronađena i privremeno oduzeta prilikom radnji pretresanja od strane ovlaštenih službenih osoba PU Jajce, a po naredbi Općinskog suda u Jajcu broj 128 0 K 036867 22 Kpp od 07.06.2022. godine

Čime je počinio kazneno djelo Posjedovanje i omogućavanje uživanja opojnih droga iz člana 239. stav 3. Kaznenog zakona Federacije Bosne i Hercegovine

Pa mu sud na temelju citiranog zakonskog propisa za navedeno kazneno djelo sukladno odredbi članka 42., 49. i 62., Kaznenog zakona Federacije Bosne i Hercegovine, te člana 300 Zakona o kaznenom postupku Federacije Bosne i Hercegovine izriče:

UVJETNU OSUDU

Tako što mu se utvrđuje kazna zatvora u trajanju od 5 (pet) mjeseci i istovremeno određuje da se ista neće izvršiti ukoliko optuženi u roku od 2 (dvije) godine po pravomoćnosti presude ne počinii novo kazneno djelo.

Na osnovu člana 239. stav 4. Kaznenog zakona Federacije Bosne i Hercegovine od optuženog E. K. trajno se oduzima opojna droga Amfetamin, neto mase 0,067 grama i 0,070 grama i istovremeno se određuje da se ista se ima uništiti.

Na temelju članka 202. st. 1. Zakona o kaznenom postupku Federacije Bosne i Hercegovine, optuženi se obvezuje da naknadi troškove kaznenog postupka, tako što se paušal određuje u iznosu od 150,00 (stopedeset) KM, u roku od 15 dana od dana pravomoćnosti presude dok će ukupnu visinu troškova kaznenog postupka, koje je optuženi dužan platiti, utvrditi prvostupanjski Općinski sud u Jajcu posebnim rješenjem.

Zapisničar
Lidija Kolak

Predsjednica vijeća

Lazarela Porić